

JAVNI POZIV za podnošenje zahtjeva za sufinansiranje troškova samostalnih poduzetnika - početnika u biznisu

Na osnovu člana 15. Zakona o principima lokalne samouprave u Federaciji BiH („Službene novine Federacije BiH“, br.: 49/06 i 51/09), Statuta Općine Novi Grad Sarajevo („Službene novine Kantona Sarajevo“, br: 1/24), Odluke o podsticajima privredi i zapošljavanju na teritoriji općine Novi Grad Sarajevo („Službene novine Kantona Sarajevo“, br: 11/18), Pravilnika o realizaciji podsticajnih mjera privredi i zapošljavanju na teritoriji općine Novi Grad Sarajevo broj: 02/03-11-1087/23 od 17.01.2023.godine i Budžeta Općine Novi Grad Sarajevo za 2026.godinu, a na prijedlog Službe za privredu i lokalni ekonomski razvoj, Općinski načelnik, objavljuje:

**JAVNI POZIV
za podnošenje zahtjeva za sufinansiranje troškova samostalnih poduzetnika –
početnika u biznisu**

I PREDMET JAVNOG POZIVA

S ciljem povećanja broja samostalnih poduzetnika i održivog samozapošljavanja kroz pokretanje vlastitih biznisa, ova podsticajna mjera je namijenjena pružanju potrebne podrške novim obrtima, trgovinskim i/ili ugostiteljskim radnjama, odnosno djelatnostima koje se registruju u 2026.godini na nivou općinskih službi u Kantonu Sarajevo.

Nadležna Služba putem javnog poziva, a do utroška sredstava, za prve 2 godine obavljanja djelatnosti bez prekida, kvartalno sufinansira troškove poslovanja novoregistrovanih djelatnosti.

II KORISNICI

Podsticaj mogu ostvariti fizička lica koja:

- imaju stalno prebivalište u općini Novi Grad Sarajevo,
- su registrovala djelatnost kao osnovno zanimanje u nadležnim općinskim službama Kantona Sarajevo u 2026.godini,
- su podnijeli zahtjev za sufinansiranje troškova samostalnih poduzetnika - početnika u biznisu do 31. januara 2027. godine Općinskoj službi za privredu i lokalni ekonomski razvoj putem utvrđenog načina prijave.

Napomena:

Podsticaj ne mogu ostvariti lica koja su već ranije dobila podsticaj za samozapošljavanje od Općine Novi Grad Sarajevo ili drugih institucija Kantona Sarajevo ili Federacije BiH.

III POTREBNA DOKUMENTACIJA I NAČIN PRIJAVE

Prijava korisnika na podsticajnu mjeru se vrši podnošenjem zahtjeva nadležnoj Službi uz obavezno prilaganje dokazne dokumentacije:

- Obavijest o prebivalištu (Obrazac broj PBA-3) – CIPS;
- Ovjerenu kopiju rješenja o registraciji djelatnosti iz nadležne općinske Službe;
- Kopiju Uvjerenja o poreznoj registraciji (ID broj);
- Kopiju prijave na obavezna osiguranja u Poreznoj upravi Federacije BiH (obrazac JS 3100);
- Kopija transakcijskog računa registrirane djelatnosti u poslovnoj banci;
- Ovjerena izjava kojom se potvrđuje da podnosioc zahtjeva nije korisnik podsticajnih mjera po istom osnovu Općine Novi Grad Sarajevo i drugih institucija Kantona Sarajevo i Federacije Bosne i Hercegovine.

IV IZNOS FINANSIRANJA

Visina mjesečnog podsticaja za djelatnosti koje su registrovane kao osnovno zanimanje od 01.01-31.12.2026. godine u nadležnim općinskim službama u Kantonu Sarajevo iznosi 300,00 KM, odnosno ukupno 7.200,00 KM za 24 mjeseca kontinuiranog poslovanja.

V USLOVI ZA OSTVARIVANJE PODSTICAJA

Isplata podsticaja se vrši retroaktivno na kvartalnom nivo, na osnovu zaključenog Ugovora o sufinansiranju troškova samostalnih poduzetnika - početnika u biznisu, a shodno dostavljenim Obrascima 2002 – dokaz o isplaćenim porezima i doprinosima na tromjesečnom nivou od dana registracije samostalnog poduzetnika za period od 24 mjeseca.

VI DODATNE INFORMACIJE

U slučaju povećanog broja zahtjeva za sufinansiranje, prednost pri isplati podsticaja će imati djelatnosti koje se registruju na području općine Novi Grad Sarajevo.

Pristigle prijave koje, zbog raspoloživih finansijskih sredstava, ne budu obuhvaćene u tekućoj godini, će se prenijeti i planirati Budžetom za narednu godinu.

Prijava se vrši podnošenjem zahtjeva (u prilogu ovog javnog poziva) putem protokola u zgradi Općine Novi Grad Sarajevo, ul Bulevar Meše Selimovića broj 97, 71000 Sarajevo, uz prilaganje potrebne dokazne dokumentacije o ispunjavanju uvjeta navedene u članu III ovog javnog poziva.

Javni poziv ostaje otvoren do 31.01.2027. godine, a dodatne informacije mogu se dobiti u Službi za privredu i lokalni ekonomski razvoj, Općine Novi Grad Sarajevo, kancelarija broj 231 na II spratu ili putem kontakt telefona: 033 291-281.

Zahtjev za ostvarivanje prava za sufinansiranja troškova samostalnih poduzetnika početnika u biznisu možete preuzeti OVDJE –link obrasca